


莊存全鏡錄下



增補痘疹玉髓金鏡錄真本卷三

信州翁仲仁輯著

雲間陸南陽道元補遺

明陽道光參補

驗形察色

夫痘有氣血之盛衰有形色之輕重大抵形屬於氣而色屬於血也初出之時點若蚊咬滯而不起雖起塌濶皮薄而軟邪視若無面唇先腫小者稠密而大者平陷此皆氣虛形重也小而高聳根斂圓淨先出先長日見活動光潤不燥堅實碍指頭面稀疏飲食不減此皆氣旺形輕也見點之初頂若火刺紅而乾枯紫而昏闇夾斑帶疹白而粘涉黑若塵鋪此皆毒滯色重也初出淡紅漸覺明亮四五日之間頂若水白根窠紅潤此皆血活氣輕也然則治病者豈不因其形色之輕重而為之哉亦有痘色紅紫根窠成片近黑黑如烏羽而有沙眼摸過轉色者先有活血之意如無雜症或有可救若黑如炭者此血死不可治也凡看痘色倣此推之

痘疹驚搐

經曰諸風掉眩皆屬肝木然痘出之始雖有四臟心實生之心火熱盛肺金受尅不能制伏肝木熱則生風風火相搏神氣不安故發驚搐醫者當辨痘症驚搐不可遽投涼心之藥苟不審而概以驚藥治之則心寒而肌斂毒氣內陷痘何由而出也治法當平肝木利小便為切要瀉肝則風去利小便則心熱退風熱既定則痘隨出而驚搐自愈矣然痘先驚者多吉痘後驚者

多凶何也痘未出之先熱蘊於內故作驚搐痘出驚止而內無凝滯故吉痘出之後氣血虛弱復感風寒熱毒反滯又無敢輕易發散清利故凶然有非痘疹而慢驚者亦屬於肝而治法反理脾土何也蓋曰平日或吐或瀉脾土虛弱不能當旺木所尅也非肝木之本病也治法只須溫補脾土為主而肝木自寧辟如土薄而上有大木不能盛載故無風而自動栽培者當厚填其土使根深本固而自無風邪之害也痘後有此症者亦由氣血虛極使然也必為難治

變黑腰疼

夫變黑與腰疼之症俱屬火盛熱極而然經所謂亢則害承乃制之意也外火灼於肌膚之間故其色黑火熱亢極腎水枯竭故腰疼耳獨不觀腰疼而後出者其色乾枯非紅則紫非紫則黑是變黑腰疼之症其屬火也明矣治斯症者必大用清涼解毒於見點之初斟酌下之亦可使熱毒得解然後調理氣血如此治之庶可挽回於萬一不然束手待斃悔無及矣

灰白痒塌

痘有灰白痒塌者乃血氣虧弱而變為虛寒也陽分者氣居之地也陰分者血居之地也陽氣弱則陷於陰陰血盛則乘於陽氣虛則血進血虛則氣凌自然之理也氣虛則為麻為痒為陷血熱則為乾為燥為痛痘色白者必至於灰慘者必至於平伏痒塌此皆氣虛而不起脹血虛而不華色治法以補中益氣合四物湯補氣補血內有熱者加清利解毒之藥使血活氣行白可變為紅矣苟單補氣而不理血則氣血燥熱而痒塌俱盛矣

音啞作噎

夫人之氣出於肺之氣喉而為聲然肺為金又曰金空則鳴其喉之竅虛則聲出而清惟痘瘡之發氣拘血載熱毒上行熱能生痰有碍氣道其毒不能盡行於肌表故成音啞音啞者痘出肺竅其初小而不覺及肌膚之痘成漿內亦成漿其毒壅盛則肺竅窄狹而肺金受火邪之尅此音之所以不清也肺司氣之出入而食喉者乃餘食所進之處茶水噎者火甚毒壅厥門不易進納而乃溢入氣喉氣喉者不受物之處故發為噎然進穀食而不噎者蓋以食有渣滓自能入其門而非若水溢而有犯氣道故也七日以前痘色紅紫而兼此症者乃火氣炎上熱毒壅塞故也痘色灰白不起而兼此症者乃氣血虛弱肺胃受傷故也然此俱是逆症六日以後外痘蒸長光潤而有此痘者是內痘亦長使之而然也外症結痂而內症自愈矣不必慮也善治者當觀其毒盛之痘於其咽喉乾燥之先用甘桔湯解毒湯或加麥門冬杏仁牛蒡玄參荊芥之類以清氣道不使熱毒有犯則自能免此患矣

寒戰咬牙

夫痘症有寒戰咬牙者或謂心火熱甚亢極而戰反兼水制化之此為病熱或曰俱屬於寒如嚴冬之氣伏陽在內不勝其寒手足戰慄而齒自動也此陳氏以木香異攻而取效非寒而何偏寒偏熱皆未得其病之旨也斯症有先後之序用藥有緩急之宜七日以前寒戰者乃心火亢極上燠肺金而孔竅閉塞故寒戰也當以表熱治之七日以前咬牙者乃陽明青經主之陽明主肌肉其經走上下齒齦邪併陽明故咬牙也主胃熱宜清之七日以後寒戰者乃陰凝於陽陽分虛則陰入氣道而作寒戰也宜以氣虛治之大用參芪如姜桂木香以溫陽分七日以

後咬牙者陽陷於陰陰分虛則陽入血道而作咬牙也主血虛宜補之大用參芪加當歸川芎干姜以實陰虛是七日前有此症者屬熱而凶七日後有此症者屬虛而亦有可治又兼痘疤而辨其吉凶或單于寒戰者當補氣之中兼補血單於咬牙者於補血之中兼助氣然此二症多發於痘後其屬虛無疑矣雖有少熱亦餘熱耳

乾枯陷伏倒靨

夫痘色乾紅紅後必變紫紫必變黑黑必枯陷此內熱漸變一定之機也治者當於乾紅之時急宜解散涼血退熱清利頂雖平陷不可以氣虛例之而用參芪補劑補則氣盛而血愈乾涸矣丹溪曰瘡乾者宜退火止用輕劑荊芥升麻乾葛之類溼者自瀉宜用風藥白芷防風之類或利小便所謂陷伏倒靨者其形略似其症略同內虛而不能盡出者為陷伏外風被寒所迫或被惡氣衝觸而不得出者為倒靨有胃虛而不能副營衛者雖出而復沒故班暈白色或黑此內虛所致故出而無氣血以應之其人必不能食或大便自利小便不赤或倦或嘔四肢微厥所由內虛而不能出此為陷伏也當此宜用辛溫之藥令其胃暖而營衛無滯必自然出矣如理中湯活血散木香異攻之類此治內虛而陷伏也痘點既出被外風寒所感使肌竅復閉氣血凝滯而不行若此者必身痛微厥氣血盛實與風寒相搏於肌膚必大小便閉痘點不長或黑紫或平濶此為倒靨也當此時溫肌發散風寒如參蘇飲小柴胡湯或加紫草蟬退姜蚕之類溫散風寒則熱氣自然流通而痘必復長矣此治外感而倒靨者也

煩燥啼叫

夫發痘之時五臟熱毒自裡達外有煩躁悶亂不眠譫語發狂啼叫者皆由熱毒蘊蓄於中而不得發越故也治宜涼血解毒大小便閉者當清利之煩躁厥治者吳茱萸湯亦有痘出之時或痘後煩躁者蓋因氣血虛弱餘熱積於內也又宜大補氣血為主而煩躁自定矣

口乾發渴

夫水潤下火炎上自然之理也三焦者水穀之道路津液者乃氣之精化而流通三焦以制火者也口乾而渴者為氣虛火盛而津液枯竭也經曰肝熱則口酸心熱則口苦脾熱則口甘肺熱則口辛腎熱則口鹹或口淡者胃熱也是五臟之熱乃火之使然夫火之為物非虛不發發而不解則津液不能上行以制火火氣炎上薰灼心脾是以津液為之下陷華池為之乾涸故發而為渴也痘前渴者宜清金利水或柴苓湯如干葛荊芥痘後渴者大補元氣保元湯或加麥門冬五味子如瀉者參苓白朮散之類有陰虛火動而渴者最為難療陰虛者血虛也血虛不能峻補蓋血與氣大有不同氣無形之物血有形之物無形者有神卒能旺於須斯有形者無神須當養於平日故氣少虛可以補之血若一虛更兼氣治此又當詳審而不可忽也

咳嗽痰涎

咳嗽者乃邪氣上衝痰滯不得是為咳嗽故曰咳謂無痰而有聲肺氣傷而音不清嗽謂無聲而有痰脾溼動而痰氣侵惟痘疹之嗽或因熱毒壅遏而不得發散或因氣血虛弱而外感風寒則痰塞肺竅而不得流通以致咳嗽故治嗽者當以治痰為先治痰者以順氣為本是以南星半夏勝其痰而咳嗽自愈枳壳橘紅理其氣而痰飲自除清肺金解熱毒而邪火自退亦有

痘後咳嗽脇痛者經云左右者陰其之道路兩脇之謂也由餘毒在中陰陽之氣不能升降故作脇痛治宜小柴胡湯加赤茯苓五味枳桔梗之類使二氣流行而痛自定矣有痘疹痰涎膠固因毒氣閉塞而有碍於津液津液不能流通故作痰涎正氣被塞於胸膈或喘或嗽喉中作聲如拽鋸乳食湯液入口即嗽吐出者此毒氣停積於肺胃也當升發解毒若用半夏等治非其法矣滴藥不受者死

痘內夾斑

夫斑者乃血之餘也有點而無頭粒然痘隨臟而出其熱迅速血熱毒盛之痘太過之血夾毒上浮乘其痘之熱而發為斑也如痘毒起齊內必虛矣內虛則斑從內解如不解當散其火邪兼活血解毒之藥用元參升麻湯黃芩荊芥白芍歸芎在初用多表散在後多用解利同其斑退血附當用補藥以防其損陷之患也紅斑易退紫斑稍難藍斑亦不必治矣

痘夾丹疹與麻疹不同

夫痘毒麻毒各有不同蓋痘毒出於臟麻毒出於腑臟乃積受之地腑為傳送之所臟屬陰故其受毒為最深腑屬陽故其受毒為差淺故痘之發觸於天行時氣疹之發中於時氣風寒痘當從外解疹當從內解麻疹之發輕而易解若有不解者乃為內實而外中風寒之盛也夫麻疹多屬於肺故嗽而始出起而成粒勻淨而小陽氣從上故頭面愈多者為佳治則參蘇飲升麻葛根湯小柴胡湯重則麻黃湯以表散為主丹疹多屬於脾隱在皮膚之間或成塊赤如雲頭而突多起於手足身背之上發則多癢或麻木是兼濕痰之殊色紅者兼火化也治以燥脾

去溼為主如痘內夾出丹疹者不必治之當以托痘為主痘出而疹自淡矣

水泡失血

痘疹發而為水泡者乃氣有餘而血不足之症也凡痘疹毒盛火熾之時火不能炎上水不能潤下搏激於皮膚之間而為水泡若沸釜馬下之火盛則釜內之水必為之發泡亦有脾胃虛弱不能制水以致水溢皮膚之間而為水泡治之者當補脾順氣而虛泡自實矣凡泡之白者氣之虛白而有清水者氣之實泡紅紫者血之熱皆熱毒未出而賊邪先為之害也亦有失血之症乃氣盛致毒為賊邪阻塞清道熱盛火熾而氣與毒相夾交爭血不能勝以致錯經妄道渙散無統是皆氣盛於血之患也然血之妄行有從口鼻出者有從大小便出者有從瘡毒出者悉皆難治有從鼻出而得生者何也蓋為氣盛逐血血載毒奔行週身傳注督脉斬關而出不犯其內故無害也至於口並大小便出者凶多從痘毒出者則為走泄走泄多肉分空虛毒無定位是皆有犯於內為難治也然痘之發全在氣不可弱然亦不宜太盛太盛則傷其血故治者安其氣而後補血斯無害矣

小便黃赤短澀

夫心火熱甚移於小腸故黃而赤然小便之行由於肺氣之降下而輪化也若肺金受火邪之尅則失降下之令故小便短而澀當痘疹之時不必利水治當清金降氣用涼藥以泄其熱而小便自利矣

補註經云肺氣通調水道下輪膀胱又云膀胱者津中液之府氣化則能出矣故知當從肺治

大便秘結泄瀉

夫氣血流行故大便無阻滯苟因熱氣燥結於下或因汗多或利小便以致脾胃津液乾涸不得潤滑故大便閉結亦有血熱血燥如老人產婦血氣虛弱皆不能傳送於大腸以致大便不利凡口乾腹脹身熱煩燥者此熱秘也宜承氣湯大柴胡湯涼膈散下之不食嘔清水腹不脹不裡急後重者此虛秘也宜補氣血為主四順飲麻仁丸凡秘結當分三部上結則宜降氣清涼中結則宜行氣活血下結則宜通之以蜜導可也如痘疹之時四五日不大便者乃氣血成漿又曰血熱不須治之只宜清涼活血而便自通矣有泄瀉者雖投訶子肉荳蔻以止之兼府白朮茯苓以滲溼健脾胃尚宜多用升麻以升提痘毒出於皮毛之表若獨以泄瀉治恐痘不升發必成倒塌戒之補註泄瀉治則用猪苓澤瀉之類分利引下故不宜

腹脹腹痛

痘疹腹痛者由毒鬱於三陰臍以上屬太陰當臍屬少陰小腹屬厥陰須分別之腹脹者毒聚於腸胃也治法俱當升發解利痘毒兼分利小便使毒氣上下分消則痛與脹自止故曰痛隨利減脹以利消俗醫以厚朴行滯氣而不知升發解利非其治矣亦有乳食停滯不消化而腹脹者當以升發解利藥中加消食之劑所傷之物當審其寒熱又有數日不大便者大便行而痛脹自止未可驟用硝黃也

不食能食

夫痘瘡之出也固賴元氣以發之而元氣之壯也必資乳食以養之自四五日以至痂落之後飲食不減二便如常雖不起發不紅綻或陷塌用藥得宜可保無虞使乳食減少兼以泄瀉則

元氣自此而日衰雖無前症日後必至約亦難治去生遠矣故四五日前而不食者此毒盛於裡猶可治也至六七日後而不能食者雖症不出行漿不實雖藥之亦何益哉有稟受壯實又發於五歲之外者又不可以例論也有痘已痂起而不食宜調脾胃若痘起而倍能食乃胃中宿熱消穀能食而大便秘宜四順飲之類微解之恐胃熱不去為口瘡又有脾胃壯實能食大便如常不必服藥此治痘者不可不知所審耶

餘毒不止於癰腫

痘有遲延日久而起不圓胖而靨既平之際或發癰腫人固知為餘毒矣而不知氣高而喘息作聲掀胸擡肚者餘毒之在肺也痰涎稠粘咬牙戛齒泄瀉不止口臭者餘毒之在脾胃也盜汗熱不退渴者餘毒之在心也夢中多驚餘毒之在肝也耳聾尚熱餘毒之在腎也眼合不開身腫不消壯熱不清鬱鬱不樂諸經皆有餘毒也

發熱三朝生死

發熱一日偏身只出紅點稠密如蚕種摸過不碍手者死發熱時腹中大痛腰如被杖及至報痘乾燥而仍痛猶不止者死先腹痛後止可用助血氣藥以救之發熱時身無大熱腰腹不痛過三日才見點堅硬碍手者吉發熱時渾身溫熱不時發驚悸者自心經而出也為吉可治而愈發熱時頭面一片紅如塗脂胭脂者六日死發熱時用紅紙條蘸麻油點照心頭皮肉裡若有一塊或周身皆有成塊紅者八九日後死

報痘三朝生死

報痘時頭面稀少胸前背後皆無根窠紅潤頂尖碍手如水珠光澤者上吉也不必服藥報痘時煩燥不寧腰痛腹痛不止口氣大臭出紫點者死報痘時痘色白皮薄而光根窠全無紅色或根帶一線紅三五日即長如菜豆大此痘決不能貫漿久後成一包清水擦破即死不可因其好看妄與下藥報痘全不起頂如湯泡及燈草火燒者十日後痒塌而死報痘時起紅斑如錦紋者六日死偏身如蛇皮者死報痘時黑斑如痣狀肌肉成塊黑者即時而死

起脹三朝生死

起脹時偏身痘頂皆陷下其中有眼如針孔者紫黑者死頂陷者可用助血氣藥渴不止用退火回生散報痘三日之後痘當逐漸起脹若根窠紅綻頂肥滿光潤澤者生起脹時腰腹或腹或止偏身紫點如蚊蚤所咬全不起發者死起脹時痘之根脚全然不起其頭面皮肉紅腫如瓜之狀者死起脹時痘伏陷不起腹中膨脹不能飲食氣促神昏者死略能飲食用消膨藥治之起脹時偏身黑陷悶亂不寧神昏氣潰者死起脹時根窠紫色乾燥不潤全然不起發者死

貫膿三朝生死

貫膿時根窠紅潤貫膿充滿如黃褐色二便如常飲食不減者吉不必服藥貫膿時純是清水皮白而薄與水泡相似三四日後偏身抓破而死貫膿時吐利不止或二便下血乳食不化痘爛無膿者死除二便不下血猶可用止瀉及消食之藥貫膿時二便閉目閉聲啞腹中脹滿肌肉黑者死

結靨三朝生死

結靨時色轉蒼鵬一二日從口唇四邊結靨由胸腹收至兩腿然後脚背和額上一齊結靨落而愈者吉 結靨時偏身發痒抓破無膿皮卷如豆壳乾者死 結靨時偏體臭爛如塌餅臭不可近目中無神者死 結靨時寒戰手足顫掉咬牙噤口者死 落靨之後疤痕雪白全無血色者危急宜補氣血養脾胃庶幾可治

附遺證治

發熱之初或吐或瀉而精神不減者無害此熱從內解但不宜久見恐耗氣耳 熱時聲音遂變者重宜清肺飲甘桔湯加鼠粘荊芥或元參 小兒出痘凡裡有大熱當利小便使心火有所引導雖不用涼藥其熱自泄去矣宜導赤散 凡裏有小熱不宜利使當解毒若小熱利其小便恐損其氣耳宜犀角地黃湯消毒散 起脹時頂雖起而四圍淡白枯澁者屬血虛有四圍雖收暈而頂陷者屬氣虛頂陷白色氣血俱虛宜保元湯加芎歸肉桂木香之類用人乳汁好酒以進之起脹時諸痘未起而其中有先起虛大色如黃金者名曰賊痘大而黑者名曰痘疔以銀簪刺破口含清水吸去穢血用紫草膏或油胭脂加血餘炭珍珠末填入瘡內則諸痘自然起發矣起脹時痘上有小孔不黑不白名曰蛀痘此因腠理不密而有是痘大泄元氣不治則凶用保元湯加丁香肉桂其孔一密而痘自起矣 貫濃時痛不止者氣滯也用保元湯加木香山查以行滯氣痒塌不止者血盛也血味鹹醃嗽皮肉作痒用保元倍加黃芪芍藥以制血盛若漿足以痒不妨 貫漿時成片作爛膿水不乾內以大補氣血外用敗草散敷之

如頂平脚濶漿不滿足用十全大補湯加木香干姜治之 貫膿時色白如水晶內無膿者宜
內托散加丁香干姜或木香散加糯米乳酒歌曰痘色虛明似水晶莫將此症看為輕十二三
日防痒塌十四五日命須傾痘疹貫漿已滿熱毒已解至收靨時有數日不焦者只看痘色如
初此亦無妨用八珍湯加木通牛蒡補脾利水而痘自斂矣凡當靨不靨泄瀉不渴寒戰咬牙
屬虛寒也用木香干姜痒者加白芷當歸蟬退 咽喉腫痛聲啞在初出之時為毒壅氣道宜
甘桔湯加玄參牛蒡在起脹貫漿之時因內痘長大以致氣道窄狹而有此症不治自愈在靨
後而喉痛啞者凶靨後身弱坐立戰搖宜八珍湯加黃芩知母渴加麥門冬時瀉者以八珍湯
加肉苳蔻木通 痘痂當落不落者乃火盛也用柴茶湯辰砂六一散外以蜜水調滑石末敷
之孕婦出痘先後要安胎為主條芩白朮艾葉砂仁血虛者以四物湯再加托藥

附遺凶症

發熱時頭溫足冷昏悶如痴渴飲者凶 婦人經血不止者重墮胎血不止者凶胎不墮大熱
不退者凶自腰下見點腰上不出者不治斜視之臉如橘皮不分肉地者死 起脹時色如白
飯平塌不起者死若此者乃毒盛血滯不可認以虛寒之症 起脹時有六七粒細而成塊於
中有一大者扁濶歪斜若此不治 痘後慢驚目無神而面色青者死

辨疑賦

胎毒蓄積發為痘瘡傳染由於外感輕重過於內傷初起太陽壬水尅乎丙火後歸陽明血水
化為膿漿熱若燃眉變如反掌欲知表裡虛實須明實熱溫涼症候殊形臟腑異狀肝火激成

水泡肺主涕而膿漿心斑紅紫脾疹赤黃腎經居下不受汗濁為黑而可防觀其外症惟河內臟阿欠煩悶兮肝木之因咳嗽噴嚏兮肺經之象面目帶赤而驚悸兮心火炎於胸膈手足厥冷而昏睡兮脾土困於中央耳尻屬胃溫煖如常二處灼熱痘症垂張先分部位次察文祥陽明從目落鼻太陽形於頭上心火炎熱則鼻乾面赤肺金鬱金則胸膈先傷手足屬乎脾胃肺肝主脇肋之傍頸項三陽交會腰背統乎膀胱外症分明用心想像泄瀉者邪甚於下嘔吐者邪甚於上氣逆而眼脹隱隱毒甚而腰痛惶惶心熱甚而驚搐胃邪實而顛狂口燥咽乾肺受火邪而液竭便秘溺溢腎因火旺而津亡欲識痘之輕重當觀熱與形狀毒甚兮心如炎火熱微兮內外清涼寒熱往來神氣爽定知痘出必禎祥數番漸出兮春回寒谷一齊湧出兮火烈昆岡蚊迹蚤班刻期而歸陰府蛇皮蚤種引日而返泉鄉雖怕紫紅更嫌灰白最宜淡紅滋潤切忌黑陷乾紅色要明潤兮猶恐薄嫩之易破痘貴乾結兮又恐痒塌之難當面頰稀而磊落清安可保胸膈密而連串吉凶難量頂要興員不宜平陷漿宜飽滿切忌空瘡皮喜老而愁嫩膚愛活而怕光結實高聳始終無慮丹浮皮肉必主形傷唇面預腫兮八九如何可過腰肢胃爛兮一七定終災殃瘡堆口舌毒纏頸項咽瘡喉腫飲食難當瀉利膿血毒甚無漿人力難盡天命匪長痘瘡焦落辨別陰陽人中上下先靨為良若是足腰先靨黑多凶少吉要隄防

金鏡賦

痘毒未出之初宜開和解之門既出之後當塞走泄之路是故壯熱腮紅便服升麻面青神慢急進參蘇氣粗熱擁心煩少便秘便須和解升葛芍藥前羌防芷柴苓絕勝喘呼腹脹甘服胞

浮肌燥急宜疏散麻黃乾葛芍升麻甘桔鼠粘最宜及夫痘出之門既開則熱蒸之毒自解未見點前惟茲一法既敷瘡後別有奇方稀疏而氣血和平須知安表和中之理歸芍芍藥木苓甘腹芷益元湯子繁密而不勝重任當識內外分銷之妙荆翹歸地芍紅芍通用小連翹飲瘡來赤色見焦枯藥用清涼而解毒紅斑赤紫苓連犀柏同施身熱燎火乾葛前胡並用氣粗而腹脹膨膨蟬退枳腹木通血痺而腹疼陣陣玄胡查芍木香若遇色來紅潤便宜撒去荆翹如見二便清泄縱是生歸俱免加入白木茯苓自古更名平劑精神倦而飲食少進以人參出不快而痘不振兼平查蛻初覺繁紅稠密紫草用之無疑如見毒盛色嫩鼠粘進之何害是故三日以前即許遵斯而用循是以往不可一例而施瘡端故白執若行漿參看內外虛實之異酌以溫平表補之宜若神壯而氣盛能食而便實者痘雖繁密只用中和表發防甘查芍桔歸滋催膿而已若精倦而神衰減食而痘陷者毒則繁多却用重劑補益參芪甘草芍歸桂桔為先立此二方乃作釀膿之具膿胞未滿不可輕易其方痘或變遷不一另設便宜妙用至於漿或饒足毒已盡行拘化法當漸進於清涼氣血回元復位不可重崇乎表補參芪切勿多食肥胖甚恐難收拾故夫便食而能食壯食而不退者便宜疎利為先升麻乾葛四順清涼便溲而減食壯熱而不渴者則以健脾為貴木茯苓通歸防風芷芍如還內外症乎不必過令服餌直至結痂以後再觀餘毒有無當疏利便宜疏利當調補急宜調補身熱煩渴便赤者大連翹飲食粗壯熱秘結者四順清涼泄瀉則益黃理中瘡癢則升麻乾葛如若別無餘症安養氣血而已

節制賦

夫病深而藥淺終見無功病淺而藥深反增他劇執緩而投急劑急則拂亂其經病劇須用劫藥緩則援生不及以本藥而治本病病去便當行別議防變症而用變藥變症則難逆乎將來故偏行補法未必盡為怯弱執用辛溫豈應概是虛寒合用而用當去則去藥隨病更凡要在我故升麻進於未點之先若非瀉甚而莫投參耆用於催膿之際必須氣弱而可用身無壯熱休加乾葛柴胡臉不煩紅勿進芩連翹芥擁渴只許疏通投補劑而胸膨減食內熱便宜清利多發藥而表爛瘡疼熱鬱心煩不休須知患目便溤胃弱芩連誤用天亡傷食吐酸先宜開導不食乾嘔須與和胃糞焦熱瀉溫補豈其所宜溤泄清稀涼約終為不合胃虛弱而補陰恐增泄瀉三焦擁而益陽慮發狂煩喘滿便清雖虛煩而可補氣粗腹脹加秘結而可通咳嗽有痰切勿亂投半夏執沖作嘔且教慢入乾姜氣虛不振則參芪奏捷脾胃虛寒則桂附成功設使渴煩喘秘用此反生跋扈芩連解熱毒於未解荆翹清血熱於血泡若還執在行漿此輩皆為所叱是故六七日內不起保元十奇無禁八九日外變生木香異攻何遲補法不宜早加溫藥必須在後發散乃作先鋒溫補縱為截陣遵斯節制庶不誤人識此玄機用之無窮

權宜賦

痘有緩急治宜權變且如紅紫帳腫兮涼血為上灰台乎怕兮補氣最良山不快兮為表實而發散可用二便閉兮是理數而疎利何妨毒不能以速散毒甚者今微汗之發越熱不能以盡除熱劇者使小便之清長三陰甚而多寒必投辛熱三陽實而多熱無過苦良是故補元氣參芪白朮養榮血歸芍地黃發散表邪重案葛而輕桂枝疎通實熱微枳壳而甚大黃解熱毒芩

連梔子快班疹紫草荆防牛蒡連翹瘡中之要領甘草乃藥中之君王玄參桔梗能治咽痛木通車前利其膀胱氣逆今陳皮青皮胃寒今丁香木香泄瀉今訶子蒼朮嘔吐今砂仁藿香祛風熱退白芷定驚搐今天麻姜蚕頭痛今川芎膏本蔓荊可用腰痛今杜仲生膝玄胡堪嘗麥門乾葛清心熱而止煩渴厚朴腹皮療水腫而消腹脹五味杏仁潤肺止嗽而定喘山查枳實消食行滯氣為良疾實半夏南星貝母汗秘羌獨紫蘇麻黃紅花牡丹皮可除血熱麝茸川山甲能起痘瘡食積神麴麥芽草果後重枳壳枳櫚木香犀角羚羊解乎心肺之熱秦艽香附退平脾胃之黃乳香末葯主痛乾姜附子回陽前胡蘇子能消痰嗽猪苓澤瀉茯苓清利小腸此乃葯味加減之權宜若病之輕重各有主方

指南賦

人參益內甘草和中用黃芪而實腠得蟬蛻以開肌紅花有活血養血之功生地有涼血行血之效痘若乾紅便宜加入紫草滑肌通竅毒擁堪行熱賴症之而有益虛寒悞用以澹便山查善遏瘡痍能消食積兼理滯氣於補益方中且解鬱結於透肌湯內輕其表而涼其內功在荊翹疎其肌而發其擁妙在蟬壳利咽喉而清氣道能發散而善開提功必資於桔梗分清濁而利小便消痘毒而去膨脹效莫大於腹皮川芎引清湯而達表勿缺於未滿之前芍葯斂陰氣以濟陽尚多於漿足之後牡丹皮去血中之毒壯熱繁紅為聖葯地骨皮去氣中之毒毛焦熱甚是良工官桂有鼓動陽氣之能神倦而不振者用之以收實效丁香有贊助元陽之力助虛而不起者得之以奏奇功木香順氣而理脾寒泄瀉湯中必用乾葛療肌而退胃熱渴煩方內